

## Kekchi - Li Kolb'a Ib' Santil Hu - Salvation Scriptures

Efesios 2:2 Xexwanje'k chaq jo' chanru xna'leb' li ruuchich'och' a'in ut xetaaqe laj taqlanel li wank xwankil sa' li iq', a' li musiq'ej li yo chi k'anjelak rik'ineb' laj q'etol aatin.

Mateo 6:10 chichalq ta laanimajwal awab'ejihom, chi'uxq ta laawajom arin sa' ruuchich'och' jo' sa' choxa.

Lucas 22:42 "At inYuwa', wi taawaj, chawisi wik'in li sek' a'in; ab'an ink'a' chi'uxmanq li nawaj laa'in, a' b'an laawajom laa'at".

Juan 16:7-9 Ab'anan a' li yaal ninye eere: us cho'q eere naq tinxik, xb'aan naq wi ink'a' tinxik, moko taachalq ta eerik'in laj K'ojob'anel ch'ool; ut wi tinxik, tintaqla chaq a'an eerik'in. 8 "Naq taachalq a'an, tixk'ut chiru li ruuchich'och' li xtik'ti' chirix li maak, chirix li tiikilal ut chirix li raqb'a aatin: 9 chirix li maak xb'aan naq ink'a' nikine'xpaab'";

2 Timoteo 2:10 Jo'kan naq nalajinkuy chixjunil sa' xk'ab'a'eb' li sik'b'ileb' ru xb'aan li Yos, re naq eb' a'an ajwi' te'xtaw li kolb'a ib' li wank rik'in li Kristo Jesus jo' ajwi' li junelik loq'al.

Romanos 15:20,21 Junelik xinyal inq'e chi xpuktesinkil li Chaab'il Esilal b'arwi' toj maji' yeeb'il resil li Kriist; a'an xwaj naq ink'a' xinkab'lak sa' xb'een li ub'elanb'il xb'aaneb' jalan chik, 21jo' b'an tz'ib'anb'il sa' li Santil Hu: "Eb' li maak'a' xe'rab'i resil chirix A'an, te'ril ru; ut eb' li maak'a' xe'rab'i, te'xtaw xyaalal".

Hechos 2:36,37 "Che'xnawaq b'i' chixjunileb' li ralal xk'ajol laj Israel naq li Jesus a'in li xek'e laa'ex chiru krus, a'an kixaqab'aak xb'aan li Yos cho'q Qaawa' ut Kriist". 37 Naq ke'rab'i a'in, eb' li wankeb' aran k'ajo' naq ke'toch'e'k xch'ool, ut ke'xye re laj Pedro ut reheb' li xkomon apóstol: —Ex qas qitz'in, k'aru tento taaqab'aanu?

Hebreos 4:2 Laa'o qak'ulum jun li chaab'il esilal, kama' ajwi' naq ke'xk'ul eb' a'an. Ab'an li aatin ke'rab'i maak'a' ki'ok wi' reheb', xb'aan naq ink'a' ke'paab'ank ut ink'a' ke'xjunaji rib' rik'ineb' li ke'ab'ink re.

Jeremías 24:7 Tink'e xna'leb'eb' re naq te'xnaw naq laa'in li Qaawa': a'anaqeb' lintenamit ut laa'inaq li xYoseb', xb'aan naq te'sutq'iil chaq wik'in chi anchaleb' xch'ool.

Hechos 16:14 Yo ajwi' chi qab'inkil jun li ixq, xLidia xk'ab'a', chalenaq sa' li tenamit Tiatira, nak'ayink kaqi b'on re t'ikr, ut aj paab'anel. Li Qaawa' kixte li xch'ool re naq tixk'ulub'a li yo chi xyeeb'al laj Pablo.

Mateo 13:14,15 Ut rik'ineb' a'an natz'aqlok ru li xyehom li propeet Isaías: «Rik'in leexik tex'ab'inq ut ink'a' teetaw ru; teek'e eech'ool chi ilok ut maak'a' teeril. 15 Xb'aan naq kawujenaq li xch'ool li tenamit a'in, jipeb' sa' xxik ut xe'xmutz' li ruheb'. Mare anchal te'iloq rik'ineb' li ru, te'ab'inq rik'ineb' li xxik, te'xtaw xyaalal sa' xch'ooleb' ut te'xjal xk'a'uxeb', ut laa'in teb'ink'irtasi».

Isaías 6:9,10 Toja' naq kixye we: "Ayu ut ye li aatin a'in reheb' li tenamit: «Rik'in leexik tex'ab'inq ut ink'a' teetaw ru; teek'e eech'ool chi ilok ut maak'a' teeril». 10 Kawub'resi li xch'ooleb' li tenamit a'in, chajipob'resi li xxikeb' ut chamutz' li ruheb'. Mare anchal te'iloq rik'ineb' li ru, te'ab'inq rik'ineb' li xxik, te'xtaw xyaalal

sa' xch'ooleb' ut te'xjal xk'a'uxeb', ut laa'in teb'ink'irtasi", chan.

Marcos 4:11,12 Ut a'an kixye reheb': "K'eeb'il eere laa'ex xnawb'al xyaalal li muqmuukil na'leb' chirix li xnimajwal awab'ejihom li Yos, ab'an reheb' li junch'ol chik chixjunil nak'eemank sa' jaljookil ru aatin 12 re naq, us ta te'iloq maak'a' te'ril, us ta te'ab'inq maak'a' te'xtaw ru. Mare anchal te'xyot' xch'ool te'xjal xk'a'uxl ut te'kuye'q te'sache'q li xmaakeb".

Juan 12:39,40 Ink'a' kiru ke'paab'ank xb'aan naq yeeb'il ajwi' chaq xb'aan laj Isaías: 40 "Kixmutz'o'b'resiheb' li ru ut kixkawub'resi xch'ooleb', re naq ink'a' te'iloq rik'ineb' li ru, chi moko te'xtaw ru sa' xch'ooleb', chi moko te'yot'e'q xch'ool ut laa'in teb'ink'irtasi raj".

Romanos 11:7,8 K'a' put ru chi jo'kanan? Laj Israel ink'a' kixtaw li k'aru yo chaq chi xsik'b'al; ut a' chik li sik'b'ileb' ru ke'tawok re. Eb' li junch'ol chik ke'kawub'resiik li xch'ool, 8 jo' tz'iib'anb'il sa' li Santil Hu: "Kik'ehe'k reheb' xb'aan li Yos jun musiq'ej aj aalob'resinel ch'oolej: ke'k'ehe'k xsa' ruheb' re naq ink'a' te'iloq, ut eb' li xxik re naq ink'a' te'ab'inq toj chalen anaqwan".

2 Tesalonicenses 2:10,11 taachalq ajwi' rik'in chixjunil li maa'usilal re naq tixq'unb'esi xch'ooleb' li tento te'sachq xb'aan naq ink'a' ke'xk'ulub'a ut ink'a' ke'xra li yaal li kikolok raj reheb'. 11 Jo'kan naq li Yos naxtaqla chaq jun wankilal aj b'alaq' rik'ineb' re naq te'xpaa'b' li tik'ti',

Mateo 13:18-23 "Anaqwan ab'ihomaq xyaalal li jaljookil ru aatin chirix laj awinel. 19 Chixjunileb' li neke'rab'i li aatin chirix li xnimajwal awab'ejihom li Yos ut ink'a' neke'xtaw ru, nachalk li maa'us rik'ineb' ut nokolxsaapu li awb'il sa' xch'ooleb': a'an a'in li ki'awmank chire li b'e. 20 Li ki'awmank sa' pek ru, a'an li narab'i li Aatin ut naxk'ul chi junpaat chi sa sa' xch'ool; 21 ab'an maak'a' xxe' rik'in ut ink'a' najt naxkuy. Ut naq nachalk junaq raaxiik' malaj rahob'tesiik sa' xk'ab'a' li Aatin, sa' junpaat nach'inank xch'ool. 22 Li ki'awmank sa' li k'ix ru a'an li narab'i li Aatin, ab'an li k'oxlak chirix li k'a'aq re ru wank sa' ruuchich'och' ut li nab'alaq'-ink wi' li b'ihomal naxnat' li Aatin, ut ink'a' chik na'uuchink xb'aan. 23 Li ki'awmank sa' chaab'il ch'och' a'an li narab'i li Aatin ut naxtaw ru; a'an na'uuchink: wan naxk'e o'k'aal, wan oxk'aal ut wan chik lajeeb' xka'k'aal li junjung chi iyaj".

2 Corintios 3:15,16 Chalen toj anaqwan, rajlal naq nayaab'asimank xHu laj Moisés, wank jun li t'ikr sa' xch'ooleb'. 16 Ab'an naq laj Israel tixyot' xch'ool ut tixq'axtesi rib' re li Qaawa', aran taa'isiiq li t'ikr.

Isaías 30:28 Li xmusiq' chanchan li ha' naq nab'ut'irk ut ka'aj chik maa nalamsink. Li Qaawa' tixtz'il rix li xb'aanuhomeb' li tenamit re xsachb'al li xwankileb'; jo' naq nak'ehe'k li ch'iich' sa' re li kawaay, jo'kan ajwi' tixb'aanu li Qaawa' reheb' li tenamit re xpo'b'al li xna'leb'eb'.

Oseas 11:3-7 Laa'in kinch'ilo chi ruq' laj Efraín ut kink'ut li b'EEK chiru; ab'an ink'a' ke'xtaw ru naq laa'in nin'ilok reheb'. 4 Rik'in rahok ut q'unil ch'oolejil kink'ameb' chaq wik'in, chanchanin li naxmutzu li xk'uula'al. Kink'utzub' wib' re xk'eeb'al xwaheb', 5 ab'an an ink'a' ke'raj sutq'iik wik'in. Jo'kan naq tento te'sutq'iil wi' chik Ejiipt, ut eb' laj Asiria te'awab'ejinq sa' xb'eeneb'. 6 Sa' li xtenamiteb' taawanq li yalok: te'sache'q eb' li kawub'resinb'il ochoch ut taajuk'iil chixjunil xb'aan li maa'usilal neke'xk'uub'. 7 Lintenamit jwal kaw xch'ooleb' chintz'eqtaanankil; us

ta neke'xpatz' xk'ab'a' laj Bahal, ab'an maajun natenq'ank reheb'.

Hechos 26:18 re xteeb'al xsa' ruheb', re naq te'xkanab' li aak'ab' ut te'ok sa' li saqenk, te'elq rub'el xwankil laj tza ut te'xq'axtesi rib' sa' ruq' li Yos; ut rik'in inpaab'ankil te'xk'ul xkuyb'al xsachb'al li xmaakeb' jo' ajwi' te'xtaw xna'ajeb' sa' xyanqeb' li santob'resinb'ileb'».

2 Timoteo 2:24-26 Junaq aj k'anjal chiru li Qaawa' tento naq maawa'aq aj yoob'anel ch'a'ajkilal, chaab'ilaq b'an rik'ineb' chixjunileb', seeb'aq xch'ool chi k'utuk, nimaq xkuyum. 25 Chixnaw xtzolb'aleb' sa' tuulanil eb' li xik' neke'ilok re. Mare anchal li Yos tixk'e chi xyot'b'aleb' xch'ool ut chi xjalb'aleb' xk'a'uxl re naq te'xnaw chi us li yaal. 26 Chi jo'kan taatuqlaaq ru li xk'a'uxeb' ut te'risi rib' sa' li xra'al laj tza li chapchookeb' wi' chi xb'aanunkil li naraj a'an.

Apocalipsis 3:17-19 B'ihomin -chankat- xinb'ihomo'k, maak'a' namajelo'k we. Ut ink'a' nakanaw naq maak'a' wank aawe, xtoq'ob'aal aawu, neb'a'at, mutz'at ut t'ust'uukat. 18 Ninch'olob' chawu naq chaloq' aa'oor wik'in, a' li chaab'ilob'resinb'il sa' xam, re naq tatb'ihomo'q. Chaloq' aasaqi aq' re taatiqb' wi' aawib' ut ink'a' taak'ut laaxutaan naq t'ust'uukat. Chaloq' ajwi' aab'aan re naq taayul xsa' laawu ut tat-ilq chik. 19 «Laa'in chixjunileb' li nekeb'inra, nekeb'inq'us ut nekeb'intij. K'e b'i' aach'ool ut jal aak'a'uxl.

2 Corintios 7:10 Li rahil ch'oolej jo' naraj li Yos naxyoob' chi junajwa li yot'b'ach'oolej jalb'ak'a'uxl ut naxk'am chaq li kolb'a ib'; ab'an li rahil ch'oolej jo' chanru naraj li ruuchich'och', a'an naxyoob' li kamk.

1 Reyes 18:37 Chinaasume chaq, at Qaawa'. Chinaasume chaq re naq chixjunileb' li tenamit a'in te'xnaw naq laa'at, at Qaawa', li tz'aqal Yos, ut taawaj naq te'sutq'iiq wi' chik aawik'in".

2 Corintios 4:4 cho'q reheb' li maak'a' neke'xpaab', xb'aan naq li xyos li ruuchich'och' a'in xmutz'o'b'resi li xk'a'uxeb' re naq ink'a' taalemtz'unq chiruheb' li xsaqenkil li xChaab'il Esil li Kriist nim xloq'al, a'an a'in li xjalam u li Yos.

Lucas 8:11-15 "A'an a'in xyaalal li jaljookil ru aatin: li iyaj a'an li Raatin li Yos. 12 Li ke'naqk chire li b'e a'aneb' li ke'ab'ink re, ab'an moqon nachalk laj tza ut naxmaq' li Aatin sa' xch'ooleb' re naq ink'a' te'xpaab' ut te'kole'q. 13 Li ke'naqk sa' pek ru a'aneb' li neke'rab'i li Aatin ut neke'xk'ul chi saheb' sa' xch'ool, ab'an maak'a'eb' xxe' rik'ineb': jun k'amok ajwi' neke'xpaab' ut, naq nachalk li aaleek, neke'ch'inank xch'ool. 14 Li kit'ane'k sa' li k'ix ru a'aneb' li ke'rab'i li Aatin, ab'an neke'xnat' sa' b'e rik'in li k'iila k'a'uxl, rik'in li b'ihomal ut li xsahilal li ruuchich'och', ut chi jo'kan ink'a' naq'ano'k li ru. 15 Li kit'ane'k sa' chaab'il ch'och' a'aneb' li neke'ab'ink re li Aatin ut neke'xk'uula sa' chaab'ilal ut chi anchaleb' xch'ool, ut neke'uuchink xb'aan naq junelik neke'xkuy xk'anjelankil ru.

Hechos 15:11 Laa'o naqapaab' naq rik'in li rusilal li Qaawa' Jesus wank qakolb'al, tz'aqal jo'eb' a'an.

Romanos 8:13 wi texwanq jo' naraj li tz'ejwalej, texkamq; ab'an wi rik'in xk'anjal li Musiq'ej teek'e chi kamk li xb'aanuhom li tz'ejwalej, taawanq eeyu'am.